



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-096-2/26**

Datum: **26.03.2026. godine**

«Agencija za vodno područje rijeke Save» Sarajevo rješavajući po zahtjevu Javnog preduzeća «RAD» d.d. Tešanj za donošenje rješenja o vodnoj saglasnosti na projektnu dokumentaciju za aktivnost – ispuštanje tehnoloških otpadnih voda u prirodni recipijent iz postrojenja za prečišćavanje procjednih otpadnih voda sa deponije komunalnog otpada «Bukva» u naselju Bukva, općina Tešanj, na osnovu člana 109. stav (1) tačka 2. i 11. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj saglasnosti**

1. Javnom preduzeću «RAD» d.d. Tešanj daje se vodna saglasnost za ispuštanje tehnoloških otpadnih voda u prirodni recipijent iz postrojenja za prečišćavanje procjednih otpadnih voda planiranog na lokalitetu deponije komunalnog otpada «Bukva» u naselju Bukva na dijelu parcele označene kao k.č. broj: 5/3 K.O. Novo Selo, općina Tešanj, a na osnovu projektne dokumentacije:
 - Glavni projekat postrojenja za prečišćavanje procjednih voda deponije Tešanj urađen od strane «HIGRACON» d.o.o. Sarajevo juli 2025. godine, revidovan od strane «SENDO» d.o.o. Sarajevo, august 2025. godine.
- Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o prostornom uređenju i građenju Zeničko-dobojskog kantona («Službene novine Zeničko-dobojskog kantona», broj 17/23).
2. Vodna saglasnost se donosi na osnovu pregleda dostavljene projektne dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja.
3. Vodna saglasnost se donosi na osnovu pregleda dostavljene projektne dokumentacije, utvrđenog činjeničnog stanja i pod sljedećim uslovima:
 - 3.1. Sve radove na izgradnji/postavljanju kontejnerskog postrojenja za prečišćavanje procjednih voda deponije komunalnog otpada «Bukva» u naselju Bukva, općina Tešanj i pratećih objekata (rezervoar za permeat, rezervoar za koncentrat i dr.) izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Izvođenje radova vršiti na način utvrđen u opisu tehničkog rješenja i tehničkih uslova izvođenja radova iz projektne dokumentacije a u skladu sa uslovima iz ove vodne saglasnosti.
 - 3.3. Ugradnju tehnološke opreme postrojenja za prečišćavanje procjednih voda izvršiti u skladu sa uputstvima proizvođača i važećim propisima za tu vrstu radova.
 - 3.4. Usvojenim sistemom prečišćavanja procjednih otpadnih voda mora se obezbjediti da prečišćene otpadne vode, prije ispuštanja u recipijent, moraju da zadovolje granične vrijednosti emisije definisane u Prilogu 19. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
 - 3.5. Na odvodnom cjevovodu, neposredno iza postrojenja za prečišćavanje procjednih voda a prije konačnog ispusta u kanalizacioni kolektor treba izvesti posebno reviziono okno koje će služiti kao okno za uzimanje uzoraka (monitoring okno).
 - 3.6. Korisnik vodne saglasnosti je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektom predviđenih aktivnosti na terenu.
 - 3.7. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.

- 3.8. U toku izvođenja radova na izgradnji postrojenja za prečišćavanje procjednih otpadnih voda, otpad se ne smije ni privremeno odlagati na zemljišnu česticu «vodno dobro», odnosno unositi u vodotok i na njegove obale.
- 3.9. Predvidjeti da se sav nastali otpad prikuplja i zbrinjava izvan površina obuhvaćenim uticajem velikih voda, a u skladu sa važećim propisima o postupanju sa otpadom.
- 3.10. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (pogoršanje kvaliteta vode i dr),
- 3.11. Da se IBC kontejner za skladištenje sumporne ili hlorovodonične kiseline postavi u zaštitnu betonsku tankvanu, da se ista kontroliše na vodonepropusnost te da se poduzimaju odgovarajuće mjere u cilju sprječavanja akcidentnih zagađenja usljed eventualnog curenja iz kontejnera i tankvane.
- 3.12. Da se poduzmu odgovarajuće mjere kojima bi se spriječilo rasipanje hemikalija, opasnih i štetnih materija na platou za pretakanje istih.
- 3.13. Osigurati priručna sredstva za brzu intervenciju u slučaju nekontrolisanog istjecanja hemikalija, opasnih i štetnih materija kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
4. Investitor (korisnik vodne saglasnosti) dužan je prije početka radova na izgradnji postrojenja za prečišćavanje procjednih voda i pratećih objekata u krugu komunalnog otpada «Bukva» u naselju Bukva, općina Tešanj ispuniti sve uslove propisane urbanističkom saglasnošću broj: UP1-12-19-7505/25 od 16.01.2026. godine donesenom od strane Ministarstva za prostorno uređenje, promet i komunikacije i zaštitu okoliša Zeničko-dobojskog kantona.
5. Ukoliko se izvođenjem radova na izgradnji ili drugim aktivnostima vezanim za predmetne radove prouzrokuju štete i naruši stabilnost korita i obala vodotoka ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi.
6. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Višak materijala iz iskopa koji će se pojaviti prilikom izvođenja pratećih radova na izgradnji predmetnog postrojenja, a koji ne bude iskorišten za predmetne radove potrebno je odložiti na deponiju izvan vodnog dobra vodotoka, a sve u skladu sa uputama korisnika ove vodne saglasnosti, ukoliko nije drugačije definisano odredbama Ugovora sa izvođačem radova.
8. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
9. Ova vodna saglasnost prestaje važiti istekom roka od dvije godine od dana pravosnažnosti rješenja, ukoliko u tom roku nije pribavljeno odobrenje za izvođenje predmetnih radova i započeti radovi na izgradnji predmetnog postrojenja u skladu sa projektnom dokumentacijom iz tačke 1. dispozitiva ovog rješenja.
10. Po završetku izvođenja radova na postrojenju za prečišćavanje procjednih otpadnih voda na lokalitetu deponije komunalnog otpada u naselju Bukva, općina Tešanj i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, Javno preduzeće «RAD» d.d. Tešanj obratilo se ovoj Agenciji dana 09.03.2026. godine sa zahtjevom za donošenje rješenja o vodnoj saglasnosti za aktivnost - ispuštanje tehnoloških otpadnih voda u prirodni recipijent iz postrojenja za prečišćavanje procjednih otpadnih voda planiranog na lokalitetu deponije komunalnog otpada «Bukva» u naselju Bukva na dijelu parcele označene kao k.č. broj: 5/3 K.O. Novo Selo, općina Tešanj a u postupku pribavljanja odobrenja za građenje. Uz zahtjev je dostavljena sljedeća dokumentacija:

- Ovjereni kopija Aktuelnog izvoda iz sudskog registra broj: 043-0-RegZ-25-002457 izdatog dana 28.07.2025. godine od strane Općinskog suda u Zenici,
- Ovjereni kopija Rješenja o izmjenama podataka u sudski registar broj: 043-0-Reg-23-001411 izdatog dana 30.01.2024. godine od strane Općinskog suda u Zenici,
- Ovjereni kopija Uvjerjenja o registraciji poreznog obveznika izdatog dana 08.03.2024. godine od strane Porezne uprave Federacije BiH – Kantonalni porezni ured Zenica,
- Komunalna saglasnost za izgradnju postrojenja za prečišćavanje procjednih voda broj: S24 ZA-02.5-02-140-1/26 izdata dana 25.02.2026. godine od strane Javnog preduzeća «RAD» d.d. Tešanj,
- Kopija Rješenja o prethodnoj vodnoj saglasnosti broj: UP-1/21-1-40-364-4/25 izdatog dana 28.10.2025. godine od strane «Agencije za vodno područje rijeke Save» Sarajevo,
- Kopija Rješenja o urbanističkoj saglasnosti broj: 12-23-6242/17 izdatog dana 29.11.2017. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Glavni projekat postrojenja za prečišćavanje procjednih voda deponije Tešanj urađen od strane «HIGRACON» d.o.o. Sarajevo juli 2025. godine, revidovan od strane «SENDO» d.o.o. Sarajevo, august 2025. godine,
- Dokaz o uplaćenju upravnoj taksi na zahtjev.

U provedenom dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na izgradnji postrojenja za prečišćavanje procjednih voda deponije komunalnog otpada «Bukva» u naselju Bukva, općina Tešanj izrađena projektna dokumentacija - *Glavni projekat postrojenja za prečišćavanje procjednih voda deponije Tešanj urađen od strane «HIGRACON» d.o.o. Sarajevo juli 2025. godine*. Reviziju projektne dokumentacije uradila je projektna kuća «SENDO» d.o.o. Sarajevo (broj: 327-08-i/25, 14.08.2025. godine).

Od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona, za izgradnju predmetnog postrojenja za prečišćavanje procjednih otpadnih voda deponije komunalnog otpada «Bukva» u naselju Bukva, općina Tešanj, izdato je pravnom licu JP «RAD» d.d. Tešanj dana 16.01.2026. godine Rješenje o urbanističkoj saglasnosti broj: UP1-12-19-7505/25. Obzirom da je podnosilac zahtjeva pribavio Rješenje o urbanističkoj saglasnosti od nadležnog organa potvrđeno je da predmetna aktivnost nije u koliziji sa planskom dokumentacijom Općine Tešanj. Dostavljena projektna dokumentacija iz tačke 1. dispozitiva Rješenja urađena je u skladu sa uslovima iz Rješenja o prethodnoj vodnoj saglasnosti broj: UP-1/21-1-40-364-4/25 izdatog od strane ovog organa dana 28.10.2025. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju data vodna saglasnost na istu.

Izgradnja postrojenja za prečišćavanje procjednih voda deponije «Bukva» planirana je na dijelu parcele označene kao k.č. broj: 5/3 K.O. Novo Selo, općina Tešanj.

Postrojenje će biti postavljeno na AB ploču u neposrednoj blizini postojećeg AB bazena za prikupljanje procjednih voda ($V = 19,7 \text{ m}^3$). Postrojenje je predviđeno kao kontejnersko postrojenje za reverznu osmozu sa pripadajućim spremnicima (kapacitet $25 \text{ m}^3/\text{dan}$).

U prvoj fazi će se odvijati korekcija pH vrijednosti procjedne vode, nakon čega slijedi filtracija te reverzna osmoza gdje se vrši separacija vode na dva dijela: permeat (čista voda) i koncentrat (koncentrirana otpadna voda). Neposredno uz postrojenje, predviđena je izgradnja AB bazena za prikupljanje permeata i bazena za prikupljanje koncentrata (oba kapaciteta po 50 m^3). Bazeni su planirani kao zasebne AB građevine opremljeni potopnim pumpama za njihovo pražnjenje.

Iz bazena koncentrata, voda će se pumpnim sistemom vraćati na tijelo deponije. Prečišćena voda iz bazena permeata će se PEHD cjevovodom DN 50 mm, preko revizionog okna, ispuštati u postojeću kanalizacioni kolektor DN 800 sa krajnjim ispustom u rijeku Tešanjku.

Isporka hemikalija obavljat će se od strane ovlaštenih firmi sa adekvatno opremljenim vozilima (sumporna odnosno hlorovodonična kiselina, koja će se koristiti kod korekcije pH vrijednosti procjedne vode, biće isporučena u IBC kontejneru a oprema za doziranje kiseline ugrađena je u samom kontejneru za reverznu osmozu). Za kontrolu procesa predviđen je softver za snimanje podataka radnih parametara.

Na temelju utvrđenog činjeničnog stanja i dostavljene dokumentacije, a u cilju smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama člana 114. Zakona o vodama i člana 17. stav (1) tačka 14. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), propisani uslovi koje je investitor dužan ispuniti u toku predmetne gradnje.

Uzimajući u obzir naprijed navedeno, na osnovu člana 109. stav (1) tačka 2. i 11. Zakona o vodama i člana 17. stav (1) tačka 14. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Prilog:

- Ovjeren Glavni projekat postrojenja za prečišćavanje procjednih voda deponije Tešanj urađen od strane «HIGRACON» d.o.o. Sarajevo (šifra: 004-02-07/25, juli 2025. godine)

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- JP «RAD» d.d. Tešanj
Trg žrtava 3. augusta broj 2, 74260 Tešanj (prilog)
- Ⓞ AVP Sava, ISV-vodna knjiga
- Sektor 40 – arhiva
- Oglasna ploča AVP Sava